

Յան Էլիասոն.

## ՀՆԱՐԱՎՈՐ ԵՆ ԱՎԵԼԻ ԾԱՎԱԼՈՒՆ ԲԱՆԱԿՑՈՒԹՅՈՒՆՆԵՐ

Սրբեփանակերպ-երեւան 26 օգոստոսի - Օգոստոսի 25-ին Սրբեփանակերպում ավարտվեցին ԼԴՀ ԳԽ նախագահի պաշտոնակատար Կարեն Բաբուրյանի, ՊՊԿ-ի նախագահ Ռոբերտ Զոչարյանի, արագործնախարարի պաշտոնակատար Արկադի Ղուկասյանի բանակցությունները ԵԱՀԽ Մինսկի խմբի նախագահ Յան Էլիասոնի հետ: Ինչպես հայտնել է Ա.Ղուկասյանը ԼԴՀ ՄԼԴ ներկայացուցչին, ԼԴՀ ղեկավարությունը ներկայացրել է հակամարտության կարգավորման ուղղությամբ իր ունեցած պարկերացումները, քննարկվել են կրակը չվերսկսելուն ուղղված հերագա քայլերը: Արտաքին քաղաքական գերատեսչության ղեկավարի կարծիքով դա բարենպաստ միջավայր կստեղծի քաղաքական որոշումներ կայացնելու համար: Հանդիպման մասնակիցները պայմանավորվածություն են ձեռք բերել խորհրդարկությունները շարունակելու վերաբերյալ, որոնք ամենայն հավանականությամբ կընթանան երեւանում Էլիասոնի Բաքու կարարելիք այցից հետո:

- Եթե փոխհամաձայնության գանք, ապա մոտ ժամանակներս հնարավոր կլինի ավելի ծավալուն բանակցությունների անցկացումը հակամարտող կողմերին հուզող բոլոր հարցերի շուրջ,- ասել է նա:

«ՓՍՍ»